

# **Namminersornerullutik Oqartussat suliffeqarfisa ingerlatseqatigiiffingortinneqarnissaat (aktieselskabinngortinneqarnissaat) pillugu Inatsisartut peqqussutaat**

Kalaallit tunisassiaannik nioqqutissiorneq tuniniaanerlu pillugit Kalaallit Nunaannut inatsit nr. 135 ulloq 28. marts 1984-imeersoq naapertorlugu makku aalajangersarneqarput:

## **§ 1. Peqqussummi makku ilaatinneqarput:**

- 1) Namminersornerullutik Oqartussat Tunisassiornermik tuniniaanermillu ingerlatsiviat (Proeks).
- 2) Nuummi Aalisakkerivik (GFI).

**§ 2. Naalakkersuisut 1. januar 1990 atuutilersumik suliffeqarfait § 1-im i taaneqartut ingerlatseqatigiiffittut (aktieselskabitut) ataatsitut intaluunniit arlalittut, tassungalu ilanngullugu ingerlatseqatigiiffittut (aktieselskabitut) ingerlatseqatigiiffinnik (aktieselskabiniq) piginnituusutut imaluunniit pigineqartutut, ingerlasunngortissinnaavaat.**

*Imm. 2. Ingerlatseqatigiiffit (aktieselskabit) ingerlatseqatigiiffinnik (aktieselskabiniq) piginnituusut tamarmik Namminersornerullutik Oqartussanit pigineqassapput, taakkulu siunertarissavaat suliffeqarfit § 1-im i taaneqartut piniarnermut, aalisarnermut, tunisassiornermut tuniniaanermullu tunngatillugu siusinnerusukkut ingerlatarisimasaasa ingerlannissaat. Naalakkersuisut aalajangersinnaavaat ingerlatseqatigiiffit (aktieselskabit) ingerlatanik allanittaaq ingerlataqarsinnaasut.*

**§ 3. Ingerlatseqatigiiffit (aktieselskabit) ingerlatsinermut tapiissutisiarisartagassaat inuaqatigiit suliassiissutaat pisussaaffliissutaallu tunnavigalugit Inatsisartut aningaasanut inatsisaanni aalajangersarneqartassapput.**

*Imm. 2. Aningaasat sanaartugassanut tapiissutit aamma aningaasat sanaartugassanut atugassatut atukkiussat annertussusissaat Inatsisartut aningaasanut inatsisaanni aalajangersarneqartassapput, taamaallaallu tunniunneqarsinnaassallutik malittarisassat Inatsisartut aningaasanut inatsisaanni aammalu Naalakkersuisut aningaasanut pilersaarusiit pillugit ilitsersuussiaanni aalajangersarneqarsimasut malillugit.*

*Imm. 3. Ingerlatseqatigiiffit (aktieselskabit) sanaartugassat pillugit pilersaarusiit Inatsisartut aningaasanut inatsisaata akuersissutigineqarnissaanut atatillugu ukiut tamaasa Inatsisartunut akuersissutigisassanngorlugit saqqummiunneqartassapput.*

**§ 4.** Inatsisartut peqqussutaat una atortuulerpoq ulloq 18. maj 1990.

*Imm. 2. Peqatigitillugu Namminersornerullutik Oqartussat tunisassiornerannut nioqquteqarnerannullu peqqussut nr. 6 ulloq 22. november 1984-imeersoq atorunnaarsinneqarpoq.*

*Namminersornerullutik Oqartussat, ulloq 16. maj 1990*

Moses Olsen

/

Kaj Egede

**Namminersorlutik Oqartussat**

Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut